

Мана газет

Мана, Элстин ремстройконторин «Тосхач» гидг эрсин газет сар болгын гарна. Шин газет гарсна дару редколлег цуглрад, дарук номерт ямаран тодлврмуд, статьяс бичхэн темдглад зура белднэ. Иигдж зура белддг учрар мана эрсин газет сар болгын цаглагчын гарна.

Эрсин газет амтнд умшхд амр болчкад, гээхмджтэ болна. Көдлмшчнрин шунлт болн хоома, хашнъг улс ийд үзүлгднэ. Олн зүсн зург зургднэ, эннь нег үлү көдлмшчнрт сунд аджан өгнэ.

Мана эрсин газет, партин болн советск правительствин эрки кергтэ шиидврмүдлэ көдлмшчнриг таньлдүлна. Үлгүрнь, КПСС-н ЦК-н декабрьск болн февральск Пленумсин шиидврмүдиг барлдж медүлв. СССР-н Уезд Советд сунъгьлгьнд шунмгьагьгар орлцдж, олн сунъгьачнрт сунъгьврин Положенэ тускар болн нань чигн цээлгьврин көдлмшиг өргнэр делгрүлв. Дакад болхла цуцрлтан угагьгар көдлмшчнрин дамшлтиг, сэн седвэрмүдиг тархадж газет цээлгьдж медүлнэ.

Парть болн правительств мана өмн тавсн төрмүдиг күцэхд газет эркирүктөлврчнь болх зөвтэ, тер төладь на эрсин газетин редколлег эн төрийн саяанар медэд, көдлмшчнрин

дамшлтиг өргнэр делгрүлэд, бийэн шалгьлгьнд онц орм газетин халхд өгчэв.

Мана газет, эклц парторганизацн гардврар социалистическ дөрлдэ делгрүлгьнд зөвэр диилвр бэрв. Нарт делкэн күч-көлсчнрин хамг чидлэн негдүлдж хэлэдг өдр—Майин нег-шиниг диилвртэгьгар тосхин төлэд мана көдлмшчнр бийсдэн өөдэн даалгьвр авцхав. Тер даалгьврэн ик өргмджтэгьгар күцэцхэв. Үлгүрнь, чолуч күүжд улсин бригадин бригадир үр Цуцкова М. Ф. — 148 процент, чолуч үр Харченко Г. — 143. шукаатурн бригадин бригадир үр Бессарабов И. И. — 141, ширдэчнрин бригадин бригадир Очир-Гаряев Б. Г.—138, ширдэч Гечинова М.—138, модна урчудин бригадир үр Ольховский И. И. — 136 процент, нань чигн кесг — ут-туршдан 14 күн сара зурагьган 100—143 процент күцэцхэв.

Ремстройконтор негдгч кварталин производственн зурагьган давулдж күцэгьгэд, апрель сарин зурагьган 100 процент күцэчкв.

Иим сэн диилвртэ боллгьнд эрсин газетин нилч ил темдгтэ болв.

М. МАНКИРОВ.

Эрсин газетин редактор.